

# SIMOUN lou Carbounié

(DRAMO DE LAS MINOS CEVENOLOS)

(Pouëmenet à dire)

Lou gal blanc a canta. L'aubo a lusi per orto.  
Lou sourel risouïè poutounejo la porto  
De l'oustau blanquinèl dau carbounié Simoun.  
Dins lou fougau tout dort: Paire, maire, marmaio.  
Es dimenche e campos. Mè lèu Simoun desmaio,  
Se segno, durbis l'ièl. . e prègo Aquel d'amount.

Pièi sauto, rebiscoul. En se nipant siblejo;  
Ris à soun curo-nis qu'en soun bressoul brassejo;  
Galejo soun cadet; poutouno son aina;  
Sa fenko, encaro au liè, la panlèvo à brassado,  
E countent coumo un rèi de tutto sa nisado,  
Sort pipeja 'u bon èr... e torno à dejuna.

S'ataulo ! Tros de pan, lou missou, la bouteio;  
Sèt fes bouido son got, — lou vin a pas d'esteio,  
Pièi rouge, fres, gaiard, rebarro soun coutèl.  
Aro, s'hou dis, galòi: “Ai brafa coum'un niafre,  
“Me vau rasa, pimpa, lor carra coum'un chafre,  
“M'anarai passeja dins lous bos dau Castèl !”

“— Oh! safenno ié dis? Coussi n'as pas vergougno,  
“ Un litre, bon matin, siés mai que mai ibrougno !  
“ Bèl eisemple, bardot, per tous jouines enfants !...  
“ Ah ! sans aquel defaut, que seriés brave paire !  
“ N'i'a pas dès coumo tus dins lou tout negre caire...  
“ Simoun ! begues pas pus que te crèmes lou sang.”

“— Fenno ! Veiras pus lèu tres omes dins la luno  
“ Que Simoun derraba sas soucos à la bruno !...  
“ Mancas jamai de pan! Fau pas tort à dingus !  
“ Jogue pas! Courre pas ! Siéi pas au det dau mounde !  
“ Lou paure a que l'amour e lou vin... per desbounde.